

承德府志卷二十九

物產 二

草類

蘆 山莊湖中多有之塞外凡遇沮洳處亦多產蘆

葦 蒙古謂為呼魯蘇今圍場中地及建昌縣境內

有稱呼魯蘇台者皆以為有蘆葦處得名

欽定熱

河志

藍 葳馬藍今大葉冬藍也今為澱者是也

爾雅疏

本

草謂藍有五種而作靛則一今土人於山坡下平

承德府志

卷二十九

物產

一

坦處種之刈其葉掘地為坎漬以灰水成靛以供

染

欽定熱河志

烟草 本名淡巴菰土人亦稱為烟酒隴旁隙地多

種之葉肥大至徑尺其近頂處數葉為蓋露

欽

定熱河志

赤芝 產松根落葉間色近紫山莊時有之

欽定熱

河志 國朝查慎行山莊雜咏詩松蓋山莊深雨

露茯苓琥珀化應遲太平是物爭呈瑞枯枿先看

地椒 松州土產地椒 元一統志 地椒覆地蔓生莖葉甚

細花作小朵色紫白卽蔓椒之小者是也

本草元許有

王上京十詠地椒詩凍雨吹花紫輕風散野香刺沙尖葉細敷地亂條長楚客收成裏奚童擲滿筐行廚供草具調鼎爾非良周伯琦上京雜詩曰椒生地上香楊允孚灤京雜詠詩曰地椒生處乳羊肥注云地椒草牛羊食之其肉香肥

野茴香 什巴爾台北皆芻牧之地無樹木徧生地

椒野茴香葱韭芳氣襲人

元周伯琦上京扈從詩註案伯琦所由乃黑谷

一路卽元至上都蹕道在今承德府本境之西而居上都之東蓋今豐寧縣西境

茅 春生芽謂之茅針夏生白花至秋而枯

本草案宋王

曾上契丹事載自過古北口居人草庵板屋今土產茅多有以此覆蓋牆屋者團蕉如笠頗有古風

承德府志

卷二十九

物產

一一

焉

莎 陸璣詩疏曰莎草皮堅細滑緻可爲簦笠今山

莊多有之

定熱河志 欽

紅姑娘 叢生山谷間結子成苞四瓣如鈴中含丹

實大如龍眼婦女多反捲其苞而簪之望如火齊

亦呼豆瓢兒考元宮殿志上都櫻毛殿有紅姑娘

其狀謂外垂絳囊內含赤子味甜酸與今紅姑娘

相同

定熱河志 欽

洛神珠一名酸漿草俗呼紅姑娘

畿輔通志

德勒蘇草 塞外叢生葱翠挺拔經霜則變而為白

取之組織為涼帽光皎異常俗亦呼為玉草

廣羣芳譜

蝎子草 塞外多有之高四五尺叢生亂草間其葉

有毒人誤觸之即紅腫馬亦不敢近之惟駝能食

廣羣芳譜

蒙古謂哈拉垓今承德府本境有哈拉垓溝

以蝎子草得名

定熱河志 欽

押不盧草 漠北有草名押不盧食其汁立死然以

他藥解之即甦華陀洗腸胃攻疾疑先服此

元白斑湛

淵集詩注

承德府志

卷二十九

物產

三

息雞草 塞外有息雞草尤美而本大馬食不過十

本而飽

宋胡嶠陷北記

黃白草 土人取以蓋屋廣羣芳譜作黃背草謂層

層有節細葉乾之可代茅結屋背即白之轉音也

定熱河志 欽

烏拉草 土人以之絮鞋細軟而暖

定熱河志 欽

藥類

人參 五椹五葉視

盛京產為遜考唐書檀州營州俱土貢人參熱河在

檀州之北蓋自昔已產之五代史奚附錄曰奚以

別部西涉媯州依北山射獵常採北山人參所云

北山者今豐寧縣西境外諸山皆是也

欽定熱河志

聖祖御製詩

有序

熱河產人參雖不及遼左枝葉皆同命翰林蔣廷

錫畫圖因戲作七言集句記之

舊傳補氣為神草近日庸醫誤地精五葉五枝成洛數

順時當用在權行

黃薺 產獨石口外好來溝

口北志

承德府志

卷二十九

物產

四

五味子 大定府產五味子

金史地理志

枸杞 汁經煉成膏味鮮美

見國朝查慎行詩注已載果類梨下

蒿 叢生山谷間有名獨挺蒿者挺生眾草中一莖

獨秀採之可以已疾

艾 叢生山谷間香氣襲衣不散

已上欽定

熱河志

案塞外藥品甚多其見於元一統志者有大寧路大寧富庶金源和眾龍山五縣惠州興中州建州土產蒼朮又大寧惠和武平龍山四縣高州松州土產麻黃又大寧和眾二縣利州惠州興中州土產黃芩又富庶和眾二縣利州惠州興中州建州土產桔梗又和眾縣利州惠州土產柴胡又龍山縣利州土產防風白芷又大寧縣土產地骨皮瞿麥扁筑又和眾縣土產白蘚皮又利州土產遠志

荆芥澤瀉白芨白藪藜蘆石膏地黃烏頭荆三稜
又惠州土產白附子又興中州土產知母又川州
土產紅花又高州土產甘草今熱河藥肆列塵土
人亦諳採掇關內人每到關外收取因併其名類
總記
於此

禽類

鶴 山莊內多畜之有松鶴清越放鶴亭諸勝

欽

定熱河志

有灰白二種熱河進榛子峪夾嶺虬松蒼蔚

鳴鶴飛翔

畿輔通志

高宗御製鶴三首

不教翦翮作羈縻誅蕩仙莊任所之伏卵成禽有佳報

承德府志

卷二十九

物產

五

放鶴將子山莊益致佳趣

誰云羽類乏良知

飛去飛來記昨年將雛更不出牆邊風清月白一聲唳
其意肫然亦灑然

潤實山葩勝稻梁天空林密任翱翔有時彳亍庭沙步
印出雲章不可詳

鷓鴣 山莊湖中多有之爾雅注曰觜頭曲如鈎食

魚宋陸佃埤雅曰鷓鴣水鳥似鴉而黑本草謂一

名水老鴉

定熱河志 欽

高宗御製鷓鴣詩

鷓鴣食魚鳥又弗中金鸞背頭曲似鈎伺鱗沙水潯人
以其無用亦弗矰繳侵因惡全其生審非愛物襟持銃
偶卽鹿葦叢見隱深可以試神器一發復成禽鹿大鷓
鴣小艱中譬尺尋古人示其理飛衛貫蝨心

雁 來賓較關內爲早古稱雁磧雁塞雁本朔漠所

產今關外秋風初厲嘹唳滿空千百爲羣

欽定熱

河志

高宗御製秋夜聞雁詩

龍堆月白雁聲寒 羶屋清宵玉漏殘 憶昨題詩坐松榭

承德府志

卷二十九

物產

六

深秋見爾落沙灘 早乘霜露傳邊信 夜渡星河避彈丸

此日賢王爭扈從 不須書寄漢庭看

元袁桷李陵臺詩雪袞寒沙風袞灰眼穿又上望
鄉臺隴西可是無迴雁不寄平安一字來曹元
用秋懷詩沙磧秋高宛馬肥哀筳一曲塞雲飛南
都兒輩應相念過盡征鴻猶未歸國朝高士奇
雁雜詩憐此隨陽鳥生雛水澤中脆毛初曬日弱
翅未凌風沙軟羣相戲蘆深到處叢待時遵渚去
寥闊任秋空湯右曾候雁詩將雛挾子共因依
瑤草金沙翠羽肥從此隨陽天直北年年更不要

南飛

鷹

鷹隼醜

爾雅陸璣云隼鷓屬也

鷓負雀

爾雅注鷓也

在北爲鷹

在南爲鷓 一云大爲鷹小爲鷓

爾雅翼

出漠北白者

身長且大細斑短脛生沙漠之北出東道白者腹

背俱白生盧龍和龍以北唐段成式西陽雜俎松州每歲貢

納鷹鵠又建州土產皂鷹細鷹元一統志鵠似鷹

而小能捕雀廣韻考爾雅以鷹為鷓鴣又鷓注云鷓

也是鷹與鷓本為二種今塞外山中多有之欽

定熱河志

高宗御製鷹詩

白露為霜秋氣冷蒼鷹祭鳥雙眸炯錦韉玉絡忽在臂

迴思故處失林嶺飢飽由人不由己目窮碧落常懷騁

承德府志

卷二十九

物產

七

鷹師養鷹識鷹性惟以飲食司其柄不使過飽力有餘

籥雲一去無迴影過飢復難任擊搏追逐雉兔弗驚猛

發蹤指使固如是為叢毆爵尤堪省

雉 本草曰雉雄者文彩而尾長雌者文暗而尾短

爾雅釋雉有十四種今土人但呼尾長者為雉雞

尾短者為野雞塞外凡山谷間處處有之欽定熱

河志

高宗御製放雉行

大蒐之便亦設羅有雉罹焉獲實多籠收車載率生致

淹寒重試饗則那山莊林泉清且美取諸於彼放諸此
開籠飛去任所之悠然逝若縱壑鯉憑觀自欣縱自笑
瀕死倖生雉豈料煦嫗爲仁詎所期愛物應須識其要

雀 短尾小鳥也故字從小從佳棲宿簷瓦之間故

曰瓦雀草本俗呼老而斑者爲麻雀小而黃口者爲

黃雀定熱河志 欽

高宗御製雀詩

瓦雀信何謂其性依屋居有屋處有雀無屋雀亦無萬
物具性靈易簡成中孚夢醒尚昧爽啼啁窗前呼始悟

承德府志

卷二十九

物產

八

宿行宮曉景非羶廬

野鴨 鷺野鳧也說文野鴨爲鳧家鴨爲鷺尸子鳧狀如

鴨而小雜白青色肥而耐寒陸璣詩疏今塞外水泊中

多有之初纂

高宗御製野鴨詩

野鴨亦鳧類塞灘聊且止忽罹虞人羅淹寒佐庖旨雲

鶴不入烹飛宿自由已

火雞 亦雉類宋陸佃埤雅曰鷓似雉而大黑黃色

本草謂青黑色者名鶻今塞外山中所產火雞黑

身白尾紅冠赤足蓋卽鷓鴣之屬

定熱河志 欽

高宗御製火雞詩

火雞特異雉足觀不足食修尾拖紳白通身染黛黑昂
藏亦頭角璘璠亦羽翼于野昧三嗅言家乏五德吐火
幻詎眞破敵術非直無須羅網施已見雌雄得宣付上

林官飼養俾孳息

案菽園雜記火雞軀大於鶴毛
羽雜生好食燃炭與此火雞異

雕 似鷹而大黑色俗呼皂雕埤雅 皂雕鷲也出北地

青雕出遼東

草本

承德府志

卷二十九

物產

九

鷓 說文但以鷓爲鷲鳥陸璣詩疏以隼爲鷓埤雅

曰鷹之搏噬不能無失獨隼爲有準

定熱河志 欽

鵠 鵠鷹屬廣韻 鵠拳大如彈丸俯擊鳩鵠埤雅 建州土

產鵠又松州每歲貢納鷹鵠元一統志 皇慶元年賜大

都留守伯帖木兒白兔鵠一翎翮皓潔白雪同皎

至延祐元年毛羽變赤光采艷奕異於尋常松雪齋集

北人二月三月放鵠號海東青打雁

使遼錄

案鵠亦名海東青考遼史營衛志春捺鉢正月縱
鷹鵠捕天鷲望之有鷲之處五坊擊進海東青鵠
并援皇帝放之鵠捕鷲墜排立近者舉錐刺鷲取
腦以飼鵠是鵠卽海東者也又名鷹鵠觀松州貢

納鷹鶻遼史乃縱鷹鶻以其鷹屬故皆連而名之耳

鶴 似鴻而大樹上作巢大如車輪 陸璣詩疏 似鵠而巢

樹者為白鶴黑色曲頸者為烏鶴 草本

鸛 詩義疏曰黃鳥鸛鷓也或謂黃栗留幽州謂之

黃鶯今無黃鶯之名土人但呼曰黃鸛 定熱河志 欽

燕 羅莘路史注引張采使遼錄曰中京牛山館北

去羣燕飛翔大如鳩鴿本草曰燕有兩種紫胸輕

小者是越燕有斑黑而聲大者是胡燕今熱河諸

處燕至秋後不復他去輒蟄入土隄沙磧中 欽

承德府志

卷二十九

物產

十

定熱河志 案宋無張采使遼事當是張浮休使

遼錄脫一休字又訛浮為采耳 金田琢贈燕詩

并序明昌丙辰予從軍塞外合鹵里山野舍荒涼

難以狀言春末有雙燕亦巢此屋土人不之識屢

欲捕之予曲為全護此燕晝出夜歸予必開戶待

之忽一日飛至坐隅都無驚畏巧語移時不去予

始悟明日秋社此鳥當歸殆留別語也因作一詩

贈之以細字寫之為蠟丸繫之燕足上明年四月

子受代歸又八年泰和甲子任潞州觀察判官四

月十二日偶坐廡舍之含翠堂忽雙燕至一飛檐

戶間一上硯屏予諦視之繫足蠟丸故在乃知此

鳥蓋往年贈詩者也幾年塞外歷崎危誰謂鳥衣

亦此飛朝向蘆陂知有為莫投茅舍重相依君憐

我處頻迎語我憶君時不掩扉明日西風悲鼓角

君應先去我何歸 楊雲翼題田器之燕子圖危

巢客舍久相依常記西風社日歸海國傳心千驛

隔塞垣回首十年非新詩尚在人空老舊夢無

憑鳥自飛寄語齊諧休志怪沙鷗相款解忘機

烏 活羅漢語慈烏也北方有之狀如大雞善啄物

見牛馬橐駝脊間有瘡啄食之若飢不得食雖砂

石亦食之金史鳴鴉大似鷹元周伯琦上京途中紀事詩句

鳩 鳩類甚多今土人多呼為斑鳩

鴿 居人畜之亦有野鴿

鵲 一種土人稱為山喜鵲者狀似鵲而尾長如綬

毛羽可觀已上欽定熱河志

鶉 鴛鴦母注鶉也又曰鶉鶉其雄鶉牝鶉注鶉屬

又鶉子鳩鴛鴦子鶉注別鶉鶉雛之名爾雅鶉與鶉兩

承德府志

卷二十九

物產

十一

物也形狀相似但黑色無斑者為鶉今土人總稱

為鶉鶉灤平縣境內有鶉鶉溝以地多產鶉故名

欽定熱河志

白翎雀 生於烏桓朔漠之地雌雄和鳴自得其樂

世皇因命伶人碩德閭製曲以名之元陶宗儀輟耕錄互見靜

志居 白翎雀能制猛獸尤善擒鴛鴦元楊廉夫詩注

常詩烏桓城下白翎雀雌雄相呼以為樂平沙無

樹託營巢八月雪深黃草薄君不見舊時飛燕在

昭陽沉沉宮殿鎖鴛鴦芙蓉露冷秋宵永芍藥風

暄春晝長 張憲詩真人一統開正朔馬上鞦韆

手親作教坊國手碩德閭傳得開基太平樂檀槽

訝訝鳳皇鬮十四銀環柱冰索摩訶不作兜勒聲

聽奏筵前白翎雀霜罈風殼白草黃雲日色
薄玲瓏碎玉九天來亂撒冰花灑羶幕玉翎瑋
起盤礴左旋右折入寥廓幸嶺孤高繞羊角啾
百鳥紛參錯須臾力倦忽下躍萬野寒星墜叢
碧然一聲震龍撥天一十四絃暗一抹鴉飛起暮
雲平鷺鳥東來海天闊黃羊之尾文豹胎玉液淋
漓萬壽杯九龍殿高紫帳暖蹋歌聲裏權如雷白
翎雀樂極哀節婦死忠臣摧八十一生草萊鼎
湖龍去何時回楊維楨白翎雀辭并序案國史
脫必禪曰世皇畋於松林聞婦哭甚哀明日白翎
雀飛集幹耳朶上其聲類哭婦上感之因令侍臣
製白翎雀辭舊辭未古爲作白翎雀二章以補我
朝樂府白翎雀西極來叶金爲冠玉爲衣百鳥見
之不敢飛雄狐猛虎愁神機先帝親手鞴重爾西
方奇海東之青汝何爲下攫草間雉兔肥奈爾猛
虎雄狐狸白翎雀來西極地從翼旋兩目側邊風
勁氣弓折膠材官猛箭與之敵黃狼紫兔不餘力
須臾白雪輕一舉千仞直駕灑血當空擲金頭

承德府志

卷二十九

物產

十二

玉頸高十尺千秋萬歲逢玉食王士熙上京次
李學士韻詩芍藥闌前春信遲灤京端午石榴時
雙雙紫燕自尋壘小小白翎能念詩楊允孚灤
京雜詠詩鴛鴦坡上是行宮又喜臨歧象馭通芳
草撩人香撲面白翎隨馬叫晴空元迺賢塞上
曲烏桓城下雨初晴紫菊金蓮漫地生最愛多情
白翎雀一雙飛近馬邊鳴明王禕白翎雀圖詩
白翎雀雪作翎羣呼旅食啁晰鳴何人翻作絃上
聲傳與江南士女聽南人聽聲未識形畫師更與
圖丹青圖丹青一女何似知爾之生何處是秋高口
子草如雲風動腦兒沙似水國朝高士奇詩磧
外相呼樂人間重白翎名傳元樂府產略古禽經
妙選籠雕檻清音轉畫屏
芙蓉秋露冷曾否憶沙汀

山畫眉

善鳴與他處所產不甚殊獨以卵珍大僅

如蓮子綠如松石亦有白色及斑褐文者土人鎔

蠟貫其中以爲簪珥之飾鬻於關內

定熱河志 欽

沙雞

古名鷓鴣其色淡黃形如鴿爪有毛爾雅曰

鷓鴣寇雉注云大似鴿似雌雉鼠腳無後趾歧尾

爲鳥愆急羣飛出北方沙漠地亦名突厥雀唐書

突厥傳鳴鷓羣飛入塞吏曰所謂突厥雀者是也

本朝天聰七年八月鷓鴣羣集國人皆曰遼東素無

此鳥今蒙古之雀來必蒙古歸順之兆明年察哈

爾額哲來降今豐寧等處多有之

定熱河志 欽

亦名

半翅

畿輔通志

似竹雞而小其性愆急故又云半癡

北口

承德府志

卷二十九

物產

十三

志

鐵腳

士人稱爲鐵雀

初纂 國朝朱彝尊曝書亭詩集有鐵腳詩

啄木

此鳥有大有小有褐有斑褐者是雌斑者是

雄

異物志

山中一種大如鵲青黑色頭上有紅毛者

爲山啄木

初纂

獸類

鹿

塞山產鹿最盛其角自兩叉四叉六叉至八叉

年久則數至八叉以外蒙古謂鹿爲布古今圍場

中地及府屬州縣內之山多有稱布古圖者皆以

有鹿處得名每歲

行圍時獲鹿不可勝計

山莊內孳息更蕃有馴鹿坡之勝

定熱河志 欽

謹案圍場內林木叢茂原獸蕃孳伏讀

御製前後哨鹿賦及哨鹿獲麇殪虎射熊諸詩敬悉每年

木蘭秋獮殪獲甚多詩文俱恭錄

天章中茲不復列

麇 形似麀角似鹿而短僅一兩義塞山多有之蒙

古謂麇為朱爾今圍場中地及府屬境內之山多

有稱朱爾圖者皆以有麇處得名其白色者尤珍

定熱河志 欽

承德府志

卷二十九

物產

十四

高宗御製瑞麇詩

有序

辛未秋獮塞上蒙古台吉必力滾達賴以此來獻

色純白如雪目睛如丹砂抱樸子稱鹿壽千歲滿

五百歲則白此殆其類今年恭遇

聖母皇太后六旬萬壽適靈獸應時而至爰命曰瑞麇而

紀以詩

質稟庚辛色躔珠應壽星

天心慶花甲德產祝

慈寧豈憶牲牲屬偏成翯翯形乍辭鹿食野可比鳳儀廷

性自仙人馴

讀如訓見史記

圖成動物靈無須稽獸譜永此驗

祥經

麋 牡麋牝麋其子麋其跡躔絕有力狄

爾雅釋麋

鹿屬

也冬至解其角

說文

與鹿相似毛作梅花斑者為麋

圍場內多鹿麋而少麋迤南始有之

欽定熱河志

馬 其畜多馬

史記匈奴傳

冀之北土馬牧之所蕃庶故

天苑之象存焉

唐書天文志

其馬善登

新唐書奚傳

馬趨前

蹄堅善走其登山逐獸上下如飛

五代史奚附錄

契丹舊

俗其富以馬

遼史

契丹使者蕭慶言牛馬有熟時一

承德府志

卷二十九

物產

十五

如南朝養蠶也有雪而露出草一寸許此時牛馬

大熟若無雪或雪沒草則不熟

遼史拾遺

今豐寧之西

即接上都達布遜諾爾牧場故馬最蕃息其蒙古

諸部皆習於畜牧每歲

行圍進宴時陳詐馬教駢之觀牧事之盛古所未有

欽定熱河志

康熙年間馬駝牛羊蕃息約三百餘萬

北口

三廳志

高宗御製閱馬詩

上都鹽海

答不遜腦兒即漢言鹽海也

地寬平芻牧年年龍種生此

日材官羣扈蹕當秋田馬並銜聲雲岡萬隊鋪霞錦露
草千蹄踏玉英侍從藩王咸眩目空懷少傅作歌情

國朝高士奇塞外觀牧詩天弧親射旄頭落捲

地風霆吞大漠軍前驤裹三百萬一二龍媒官字

烙砂磧由來水泉少霜寒四月無青草王師到處

如有神草茁泉甘芻飲好圍人太僕森戟列廣放

山南與山北日中灼爛錦七襄山上瀾漫雲五色

獅毛虎脊各驍騰曹霸韋偃畫不得軍實委輸積

如堵輦下牛羊亦甫甫貌貅夜帳靜無譁但聽連

空噍風雨我皇攬轡勤慰問躡躍奚官與

牧豎君不見郎樞女樞馬易畜大角安陽最宜犢

何如天育更蕃滋不效區區保谷又不見周宣

薄伐四牡同牧人乃得牛羊豐國朝查慎行隨

豈物力在垆堪知造化功雲中左界遼放來羣

牧駕閱視羣牧恭紀詩右接雲中左界遼放來羣

承德府志

卷二十九

物產

十六

外饒齊色分花望不窮一羣拔萃一羣空天生騏

驥初無種只在君王顧盼中大漠塵消罷

戍屯曾收汗血入關門於今青海無傳箭字息均

蒙蒙養恩蒺藜苑小傳唐監苜蓿園荒笑漢家自

是累朝無馬政天

留沃壤在龍沙

橐駝

其奇畜則橐駝

史記匈奴傳韋昭注背肉似橐漢書師古注能負橐囊

而馱物也

深谷中時見畜牧牛馬橐駝

宋王曾上契丹事

今云

駱駝蓋音之轉

爾雅翼

橐駝本塞外之產漢時中土

罕見故以為奇畜今蒙古謂駝為承墨飼秣得宜

最為蕃息

欽定熱河志

上都達布遜諾爾駟駝六羣

達里岡崖駟駝一十六羣

北志

高宗御製橐駝詩

種繁鄙善多封牛食少任多其性柔畜中良產內地鮮
謬稱馬狀羊為頭塞程橐載無過此色有蒼白或黃紫

而今市販亦知用鈴聲替戾行連尾圖鳴嗜柳

俗云駱駝嗜柳

蒙古嗜酒

不肯前長繩穿鼻騎以牽征囊百務一身具蹄胝

背腫誰則憐驚頸低昂過磧川圖展塞景胡環傳避風

跑泉語乃誕

漢書西域傳謂燉煌往外國流沙千餘里無水有伏流駝遇其處以足跑地掘之常

得水又青海北夏有熱風傷行旅風將至駝先以鼻口匿沙中人見之則以羶擁蔽口面避其患嘗詢之青海

諸部皆無其事

少見多怪理實然

承德府志

卷二十九

物產

十七

元速賢塞上曲雜沓擅車百兩多五更衝雪渡灤
河當轅老嫗行程慣倚岸敲冰飲橐駝柳貫灤
水秋風詞西風初吹白海水落日正見黑山雲旃
廬小泊成部署沙馬野駝連數羣國朝胡會恩
塞外截句詩邊風獵獵捲晴沙四月陰山草未芽
莫道春歸無舊識駝茸滿地似楊花高士奇塞
外雜詠詩望中宮闕隔雲霞嘆息今年負物華六
月駝毛飄滿地渾疑春盡落楊花查慎行閱視
羣牧恭紀詩肉鞍高出草頭低千百封牛褐
色齊如有泉源在山外但從沙上覓駝蹄

青羊 契丹多青羊

宋王曾上契丹事

格物論曰羊有青者

南人所罕見今塞上多有之善走屣屣問為山羊

之一種

欽定熱河志

高宗御製青羊詩

青羊善緣壁四蹄利如躡躑躅巔岼間虎狼不能躡一
朝失所據生捕被虞獵神恣豈跳踉喙息惟伏帖何必
貪肥腴爰命育蹇荼誰辨梓樹化謾擬成都接隨圍霍
集斯驚觀笑羈頰

飛狐 銳頭闕口耳小尾長毛深褐色翅如鼈裙四

足生翅中前三爪後五爪能飛不踰尋丈

見敬業堂詩注

聖祖御製康熙幾暇格物編

飛狐產於口外密樹林中形似狐肉翅連四足及尾能
飛但能下而不能上續博物志云飛狐亦名飛生今山

承德府志

卷二十九

物產

十八

陝有飛狐嶺飛狐口當時必以物產得名而名勝志曰
有狐食五粒松子遂成飛仙其說荒誕皆因未知天下
有所謂飛狐也

國朝查慎行詩銳頭長尾口如鼈肉翅旁連四足俱猜是千年老蝙蝠問名方始識飛狐

飛鼠 首及尾皆似鼠翅與飛狐同

定熱河志 欽

聖祖御製康熙幾暇格物編

口外又有飛鼠與飛狐相類特頭尾似鼠形體小於狐
荀子所謂鼯鼠五技而窮也

虎 秋捺鉢曰伏虎林七月中旬自納涼處起牙帳

入山射虎

遼史營衛志

元史稱松州知州布薩圖格前

後射虎以萬計以是知口外產虎自昔為衆今塞

山多有之蒙古謂虎為巴爾圍場中地及府屬境

內之山多有稱巴爾圖者皆以有虎處得名每遇

駐蹕山莊常

命虎鎗人殺虎至

行圍時

親御虎神鎗殪虎

虎恭紀詩 欽定熱河志 皇輿蕩蕩界蒙古

木不知午千乘萬騎排空來夜張行幄山之塢月

承德府志

卷二十九

物產

十九

上忽聞羣馬驚傳道山前出猛虎曉看一馬果摧
 殘殷血淋漓在兩股龍鑣飛控陟層崖衛
 士騰驤齊負羽摻巖剔藪無幾時一箭橫胸洞肺
 腑遠人手額復戰栗踈言此虎為患若道傍白日
 每捕人傷戕行李其可數幸茲惡劣得剪除
 聖主當陽真神武從來射虎得耳聞何似臣今
 得目覩因歎蠢頑本不靈貪饕無厭乃自取不然
 長林豐草間餐眠何畏施弓弩殺人安人王者心
 卽此推之澤自普前題查慎行詩後射豹前射
 熊陰山凜凜生寒風既殺熊復殺虎積雪確確映
 強弩關田築室藝稷黍猛獸寧容此偏處爾牙如鋸我
 鏃銛焚林盪谷期盡殲溪東距溪西相望十餘里
 忽聞響應徹山巔天語遙傳順風耳註西
 洋人所製壯士能手搏奉令何異天行誅天生乃
 負隅聖人能格物構机窮奇情狀悉耳端一闕戕
 一人厥罪昭然何待詰自從殺此虎邊牧蓄雞豚

自從殺此虎莊戶長子孫黃熊赤豹司噬吞腥風
掃盡無一存小臣穉眼嗟未見談虎尋常色為變

此來快觀三害除
直似陪遊向畿甸

豹 營州土貢豹尾 唐書地 今塞山多有之以金錢

文者為貴艾葉文者次之 國朝查慎行 欽定熱河志 上

親射金錢豹恭紀詩朔漠回鑾候 君王罷
獵時忽聞山下豹正逐草間麋詎縱顏行抗還將

餘勇施三驅爭效命七校復揚旗金鏃霜花淬飛
龍電影追應弦疑樹鵠拔箭已連趾直作摧窮寇

真如殪伏雌右髑充上殺全質少微疵狸首斑斑
血猫睛閃閃移鬚雄粗縮蝟爪利善藏錐自匿荆

榛窟初含霧雨滋氣曾吞虎兇力肯讓熊羆緩死
俄無路偷生詎有期但令供獮狩猶得壯威儀鎗

桿風搖尾鞍橋錦冒皮呈文留炳蔚取用及捐糜
師式當關險兵韜示象奇小臣慚獻頌何異管中

承德府志

卷二十九

物產

二十

窺

熊 平州土貢熊鞞 唐書地 唐段成式酉陽雜俎曰

豬熊其形似豬馬熊其形似馬今塞山多有之小

者為狗熊其一種大者為人熊本草謂即羆而不

常見 欽定熱河志 國朝查慎行

蕭蕭氣肅肅連朝纘武大掩羣殪盡山中雪斑鹿
西風捲地餘怒號虎豹股栗豺狼逃老熊何物敢

自匿出林獨叫來其曹 天威赫業揚雲
搗穴直窮熊所館公然人立向人啼正直瑠弓穀

初滿皮毛與石孰比堅不聞射石石亦穿須與三
發三命中搖尾大似求哀憐忽看趨捷如猿鳥騰

上千年松樹杪神機別以火器攻霹靂斜飛貫脰
腦半空拘折青珊瑚松耶熊耶墮地俱

心因材有生殺，倨強難得逃。天誅雉飛兔走青林，
莽重馬馱來，徧行賞驚性。寧非恃爪牙，焚身竟致
因躡掌，馳蹄鹿尾腥。腥膺舊傳此，味配八珍大庖。
祇合供水濱，從禽搏獸空。鋪陳賦家漫誇三十六，
終日射侯原，非真豈如吾。皇勇且仁，除兇
服猛胥躬親，已靖六合無纖塵。山林兼使異
獸馴，他年珥管紀上瑞。郊藪行見遊麒麟。

狼形大如狗，青色善逐獸。宋陸佃今大塞山多有

之蒙古謂狼為綽諾，府屬境內之山多有稱綽諾

圖者皆以有狼處得名。王惲詩千里陰山騎四周。

休誇西伯濱遊，今年較獵饒。常歲一色天，狼四十頭。
薩天錫上京，即事詩紫塞風高弓力強。王孫走馬獵沙場，呼鷹腰箭歸來晚。馬上倒懸雙白狼，國朝胡會恩塞外。截句詩軍廚曉飯拍黃羊。

承德府志

卷二十九

物產

二十一

羽騎中宵射白狼，霜月滿營歌。勅勒夢回始覺臥沙場。

麇麇牝麇其子麇，絕有力豨。爾雅麇麇也。說文麇

一名麇。崔豹古形似鹿而無角，今塞山有之。欽

定熱河志

麇營州土貢麇香。唐書地理志媯川郡貢麇香十顆。杜佑

通典奚常採北山麇香。五代史今塞山有之。爾雅注

所謂腳似麇有香者是也。定熱河志又麇形似麇

俗呼香麇。畿輔通志

野馬如馬而小出塞外。爾雅注野馬日走五百里。穆天

子傳 良馬名騊駼字林云北狄良馬也曰野馬爾雅疏

禽獸異於中國者有野馬後漢書 奇畜則騊駼史記

匈奴傳 騊駼野駿產自北域郭璞騊駼贊 騊駼匈奴傳索隱引說文

騊駼野馬屬 徐廣謂騊駼臣虛之屬考逸周書王會解

孤竹巨虛孔晁注云巨虛驢羸屬然塞外不產驢

羸所謂騊駼巨虛蓋野馬之類定熱河志 欽

野羸 驢牡馬牝生羸崔豹古今注 塞外無驢故無畜羸

惟野羸則有之產砂磧中定熱河志 欽

驢 塞外向不產驢今迤南之地有之蒙古部落惟

承德府志

卷二十九

物產

二十二

喀喇沁有驢以承平日久復與內地連界故有其

種欽 定熱河志

牛 其畜多牛史記匈奴傳 烏梁海產青牛黃牛明葉向高四裔

考 三衛土產青牛黃牛明一統志 今則塞外多畜之耕

犏乳牝產類蕃息欽 定熱河志 國朝高

輕烟曉暮殊野外八屯分畜牧馬牛千里富青芻

查慎行閱視羣牧恭紀詩烏牝黃牝種各殊駢

野牛 後漢書鮮卑傳有角端牛以角為弓俗謂之

角端弓史記司馬相如傳作角觶郭璞謂角端似

貊角在鼻上堪作弓李陵嘗以此弓十張遺蘇武

既云角可作弓自當為嘗見之獸而又稱角在鼻

上殊未可信至宋書符瑞志謂竹端日行萬八千

里元史謂元太祖至東印度有一角獸形如鹿而

馬尾其色綠作人言耶律楚材曰其名角端能四

方語者此係神獸不常見後漢書鮮卑所產之角

端乃野牛之類定熱河志 欽

羊 其畜多羊史記匈奴傳 地多黑羊五代史附錄 羊生韃靼

者大如驢尾巨而厚類扇自脊至尾或重五觔多

承德府志

卷二十九

物產

二十三

膏脂以為假熊白松漢祀聞 羊之大者不過五十觔奚

中所產者百餘觔唐楊煜膳夫經手錄 漠北種羊角能產羊

其大如兔食之肥美元白珽續演雅詩注 塞外秋冬風戾其

肉謂之風羊京十詠 欽定熱河志 元許有壬上

尚供戎鹽春玉碎肥荈壓花重肉淨胭脂透膏凝

琥珀濃年年神御殿頒餽每霑儂 楊允孚灤京

雜詠詩月出王孫獵免怵玉驄拾矢戲沙場皮囊

墮箭撿綠羊或四角六角者謂之迭角羊迭義未

詳以其角之相對故曰對角毛角雖奇香味稍別

故不升之鼎俎國朝查慎行閱視羣牧恭紀詩

四時邊草閱榮枯填谷堙谿作雪鋪一色羊羣三

費大官芻百萬不曾輕

山羊 有二種一種大角盤旋肉至百觔所謂盤羊

者殆即羴羊也一種毛作深黃色者為黃羊草本

羊善鬪一云狀若羸而羣行暑天塵露在其角上

生草戴行獨寢所謂羴羊養草以盤旋者是也雅 埤

北陲異味是黃羊注云黃羊北地所產元 楊允孚 灤京雜詠

詩 注黃羊味極肥美元時以為玉食之奉劉績 雪錄 塞

山多有之蒙古謂山羊為伊瑪今府屬諸境之山

有稱伊瑪圖者皆以有山羊處得名熱河志 欽定

許有壬上京十詠黃羊詩草美秋先臍沙平夜不 藏解條文豹健鬻炙宰夫怵有肉須供世無魂亦

承德府志 卷二十九 物產 二十四

似麇少年非好 殺假爾試穿楊

野豬 塞山多有之宋王曾行程錄曰契丹多黃豕

蓋亦野豕之類蒙古謂猪為噶海今府屬境內有

稱噶海圖者皆以有野猪處得名定 熱河志 欽

獾 獾豚也一名獾爾雅 注獸似豕而肥說文 林今土人

呼為猪獾其小者為狗獾案 爾雅 又稱 狼牡 獾字

林云獸似犬蓋猪獾 獾屬狗獾即狼屬也

獺 似狐而小青黑色雅 埤是物本有山獺水獺二種

今塞外所產大抵皆山獺之類土人稱為旱獺

欽定
熱河志

田犬 善捕野獸塞外多畜之元周伯琦上京途中
紀事詩所謂獵犬高於鹿者是也

兔 山谷間處處有之有褐及自黑數色蒙古謂兔
為洮賴府屬境內之山多有稱洮賴圖者皆以有
兔處得名

狐 種類不一毛長而黃者曰草狐短而黠者曰沙
狐並出蒙古其皮皆可為裘蒙古謂狐為烏納格
府屬境內之山多有稱烏納格圖者皆以有狐處

承德府志

卷二十九

物產

二十五

得名

已上

欽定熱河志

貂 建武二十五年烏桓獻貂豹皮 東觀漢記 青貂穴死

牛腹掩取之紫貂升木射取之黃色乃其老者銀

貂最貴契丹主服之

嘉佑雜志

大定府產貂鼠

金史地理志

貂與貂同爾雅翼謂貂本鼠屬故字亦作貂

鼬 後漢書鮮卑傳曰有貂鼬鼬子皮毛柔蟬天下

以為名裘章懷太子注曰鼬音女滑反鼬音胡昆

反貂鼬並鼠屬豹猴屬也許慎說文解字曰鼬鼠

出丁零胡皮可作裘又曰鼬鼠屬善旋陸德明經

典釋文又稱狷一作狷考爾雅釋獸狷無前足注
 謂似狗豹文有角兩足疏引呂忱字林謂獸無前
 足似虎而黑者名狷則狷又非可以爲裘者寇宗
 奭等本草衍義又以海狗當之然所云前腳似獸
 尾卽魚身者亦與皮毛柔螻之說不合考晉書稱
 夫餘國出善馬貂狷唐書稱黠戛斯服貴貂狷本
 草稱骨狷獸出西方突厥國似狐而大長尾綜核
 諸書似狷爲今之舍利孫而驪子蓋今灰鼠之類
 也至唐書地理志稱營州土貢骨罽一作骨咄而不詳
 其何物或疑其卽爲骨狷然唐書于黠戛斯傳旣
 有貂狷而又稱其獸有野馬骨咄知其必非一物
 松漠紀聞載契丹重骨咄犀紋如象牙黃色知骨

咄乃野牛之名與狷固迥異矣

已上熱河志案骨咄

犀或有以爲蛇角者考周密雲烟過眼錄稱伯幾云骨咄犀乃蛇角也其性至毒而能解毒葉森於延祐庚申得骨咄犀刀櫛二看其花紋如今市中所賣糖糕或有白點以手摩之作巖桂香者又慎懋官華夷鳥獸考亦曰骨咄犀蛇角也其性至毒而能解毒蓋以毒攻毒也故又曰蠱毒犀唐書有古都國必其所產今人譌爲骨咄耳至劉郁西使記則曰骨篤犀亦曰大蛇之角解諸毒糸之諸說似亦可據

黃鼠 沙漠之野地多黃鼠蓄豆穀於其穴以為食

村民欲得之則以水灌其穴遂出而有獲北廷事實

方黃鼠穴處各有配匹秋時蓄黍菽及草木之實

以御冬各為小窖別而貯之天氣晴和時出坐穴

口見人則拱前腋如揖狀即竄入穴味極肥美元

朝恒為玉食之奉置官守其處人不得擅取也劉續

霏雪錄 契丹國產大鼠曰獬貍形類鼠而足短極肥

其國以為殊味穴地取之以供國王之膳自公相

以下皆不得嘗常以羊乳飼之頃北使嘗攜至京

承德府志

卷二十九

物產

二十七

烹以進御本朝使其國者亦皆得食蓋極珍重之

澗水燕談 宋刁約使契丹為北語詩句云餞行三匹裂

密賜十獬貍注云獬貍形如鼠而大穴居食果穀

嗜肉北人以為珍膳味如狍子而脆沈括夢溪筆談 南使

至北帳前見畢密賜羊羝十枚毘黎邦十頭毘黎

邦大鼠也契丹上供物善麋物如豬獐若以一鬻

置十觔肉鼎即時糜爛臣下不敢畜惟以賜南使

張舜民畫墁錄 狀類大鼠極肥膈甚畏日為隙光所射輒

死亦竹狸獾狸之類陸氏舊聞 黃鼠灤京極品元楊允孚灤京

雜詠詩注 元薩天錫灤陽納鉢卽事詩蕎麥花
深野韭肥烏桓城下客行稀小兒掘地得黃鼠日
暮騎羊齊唱歸 案黃鼠貌狸毘黎邦宋張浮休
使遼錄又名令邦其善糜物與畫墁錄之說同則
四者實是一物也又口北三廳志載黃鼠今宣化
人有籠盛而賣者並未畏日而輒死陸氏所記未
確亦可證耳聞不如目覩之真考元許有
壬上京十詠黃鼠詩蓋亦塞外之珍味也

夜猴 捕黃鼠必以鬆尾鼠一名夜猴兒能嗅知黃

鼠穴知其有無有則入嚙其鼻而出如蜀人養烏

鬼以捕魚也

菽園雜記

又名地猴黃鼠畏地猴入其穴

則銜黃鼠喙曳而出之

霏雪錄

麀鼠 土人名爲跳兔形如兔而大相負而行明永

承德府志

卷二十九

物產

二十八

樂次大甘泉令衛士掘沙穴中跳兔與隨行等觀
之大如鼠其頭目毛色皆兔爪足則鼠尾長其端
有毛或黑或白前足短後足長行則跳躍性狡如
兔犬不能獲之

口北三廳志

今契丹及交河北境有跳

兔頭目毛色似兔而爪足如鼠前足僅寸後足長

尺尾亦長其端有毛一跳數尺止卽麀仆卽麀鼠

也

李時珍本草

西方有獸其名曰麀前足兔後足鼠得

甘草必銜以遺叩叩巨虛將爲假足故也

韓詩外傳

土

人云蒙古打跳兔圍於月黑夜人持一木棍驚草

中則跳兔成羣而出跳入圍中但未見有叩叩巨

虛耳

國朝徐蘭詩注 徐蘭歷鼠詩有獸蒼蒼鼠之屬同乎兔者耳與目後足空長難躑躅

何不截長補不足彼以為納闕一角此以為狼足大縮我就視之形太促一跳一仆尾轟轟臣虛囓草忽躍去棄爾啾啾餓空谷歷鼠歷鼠不須哭誰使爾為獸之僕劉安雞犬滿雲中飽食庵藺莫他

矚自注本草巨虛食庵藺子而仙

蟲類

蟬 土人呼為螂膠

帝京景物畧

爾雅釋蝸有七種皆蟬

之屬揚雄方言列諸蟬多至二十餘名蓋是物本

隨地而異今關外之蟬不入關內其出聲較內地

承德府志

卷二十九

物產

二十九

稍遲而音特清壯

定熱河志 欽

高宗御製塞蟬詩

塞榆雨霽流繁響靜聽啁噉亦自嘉蒙古不知虛體物

指聲直謂是胡笳

蒙古謂蟬為綽爾齊綽爾齊者是胡笳也

蟋蟀 一名吟蛩一名蛩秋初生得寒則鳴

崔豹古今注

蟋蟀今促織也

爾雅注

高宗御製月夜聞蛩詩

漾舟逗星渚淒吟發露坡塞夕已颯沓塞月猶婆娑歐

陽賦未就是聲來則那嫠婦怨別離孤客悲蹉跎於我

何有焉也覺秋懷多

絡緯 翰天雞小蟲黑身赤頭一名莎雞爾雅注莎雞

如蝗而斑色其翅正赤六月中飛而振羽索索作

聲陸璣詩疏莎雞一名促織一名絡緯促織謂鳴聲如

急織絡緯謂鳴聲如紡績也崔豹古今注一名紡績今

塞外有一種形小而色綠與常產特異定熱河志欽

高宗御製圖興安絡緯詩有序

興安絡緯至小而色綠率筆圖之兼題以句

依稀果羸負螟蛉塞草霏黃尚作青可惜徐黃曾未到

承德府志 卷二十九 物產 三十

為傳蠕動補蟲經

莎板蒼烟動股鳴雲間天淡磧垣清若教賦質榆關裏

答響流黃更覺情

跂跂脈脈露華枝欲上寒英意轉遲大小畧殊牟益畫

牟益搗衣圖續入石渠寶笈中神品也風流渾脫惠連詩

何必花棚草舍尋一番畫取更長吟間聽靜想評形似

羶室清宵冷逼衾

國朝梁詩正恭和御製圖興安絡緯題句元韻詩露草依棲伴蠓蛉馬蹄乍蹴趨來青興鳴風晨雨夕助淒清兒童一例編籠貯水飲瓜餐

別有情凌寒蠕動上花枝寫入仙毫秋意遲爲補
豳風圖未備七言新製塞原詩行行鄉夢杳難尋

幔屋寒聽蟋蟀吟識取

聖人詩畫意要憐征士苦單衾

榛蠲 周禮蠲氏及月令螻蠲鳴注皆以蠲爲蛙唐

韻亦以蠲爲蛙之別名玉篇集韻蠲字皆以蝦蟇

爲訓惟廣雅有螻蠲馬蝟也然馬蝟乃蟬屬今塞

外所產榛蠲則係絡緯蟋蟀之類善以翼鳴土人

呼爲叫蠲盛以小籠置之暖室經冬猶有作聲

者欽

定熱河志

高宗御製榛蠲詩

承德府志

卷二十九

物產

三十一

啾啾榛蠲抱烟鳴亘野黃雲入望平雅似長安銅雀噪

一般農候報西成

蛙生水族蠲生陸振羽秋叢解促寒蠲氏去鼃因錯注

至今名象混秋官

蝶 古今註曰蛺蝶一名野蛾一名風蝶有大如蝙蝠

蝠者或黑色或青斑今熱河所產有黑花蝶大四

五寸許

欽定熱河志 國朝高士奇塞蝶
詩夏五陽坡暖翩翩草際飛蠲茲生異域

未解戲芳園野闊香難拾天寒草
竟稀靜看過布幔來去似相依

蜂 爾雅有土蠶木蠶之別疏謂土蠶又名馬蠶今

塞外馬蜂視常蜂較大亦有蜜蜂

定熱河志 欽

螢 塞外流螢極大光可燭三尺許

國朝查慎行山莊雜詠詩注

詩云煜煜蒼龍尾角蟠小星如沸鬧林端乍驚三尺飛光度螢火大於金彈丸

蜥蜴 山中蜥蜴長四尺許頭以下色如翡翠有紋

如魚鱗尾作金色吐氣為雲土人稱為雲虎

國朝查

慎行山莊雜詠蜥蜴詩注詩云泥金細縷簇龍鱗首尾中分翡翠紋頗訝賦形同蝎虎試看噓氣卻

雲成

魚類

箸漠蘚 塞外諸溪澗中皆有之狀似鱸細鱗重脣

承德府志

卷二十九

物產

三十二

身有黑斑伊遜河所產尤多

定熱河志 欽

高宗御製箸漠蘚詩

有序

魚名出口外諸溪澗中狀似鱸而味鮮美過之國

語謂之箸漠蘚蒙古謂之集伯格然尚不如吉林

之赭鱸也偶爾成詠以備方言

九曲伊遜

平聲

水有依莘尾魚細鱗秋撥刺巨口渡吹噓

陰益食單美輕啍戲譜疎還應問張翰所憶定何如

國朝查慎行山莊雜詠詩灤水清流北漆沮霽潭潑潑漾菰蒲細鱗柘綠皆堪膾不數紅鯉巨口

鱸自注細鱗魚重脣身有黑斑柘綠魚色微綠皆灤所產

鯉 灤河有之味較內地肥美

國朝欽定熱河志

鯉恭紀詩雪光晶晶山稜稜千山映雪朝日升灤河之水暖不冰剗舟剗楫凌空去三尺黃龍

鱗帖帖何敢驚人聲不聞聞水聲須臾船重

鱣皇情樂銜尾駢頭來繹絡八紘一張魚載躍鱗

波詞臣拜賜紅鱗長尺半馬上攜歸萬人看

柳根赤 魚名蓋柳根之色赤此魚好噉柳根故名

路平直隨仙仗到蓬瀛官廚既餓紅蓮飯

紅蓮米飯柳根魚羹佳名原自柳根來釣得仍將

柳貫腮分賜詞臣三百尾插竿騎馬雨中回

承德府志

卷二十九

物產

三十三

鯽 灤河及瀑河皆有之灤鯽以灤州偏涼汀所產

者為佳此為灤水上流熱河東南灤水中舊有鯽

魚坑水深魚肥

欽定熱河志 國朝查慎行釣魚恭紀詩高臺俯瞰樺榆溝

銀絲膾鮮鯽欣從塞外識源頭

鮎 塞外溪河有之有斑無鱗

欽定熱河志

柘綠魚 色微綠產灤河中

欽定熱河志

即查慎行所

詠細鱗魚也

初纂

滑子魚 長五寸許形狹而修產平泉州山溪中

蟲魚 一名尖口魚大盈尺許銳口細鱗產平泉州

冰窖山溪中居民於二三月網取之鬻於市 已上

欽定

熱河志

案遼史所載釣魚土河今土河所產蓋鮮乃古今地氣之異也

泉類

麻 羣芳譜分苧麻大麻繅麻三種說文謂泉屬本草亦作苧麻一名白麻葉圓如蓋花黃結子如橡實刈作小束池內漚之去青皮取麻片潔白如雪可織爲毯及作縵索爲農家所需今熱河所種大抵皆白麻也其苧麻大麻二種卽偶有之亦但織

承德府志

卷二十九

物產

三十四

以爲線罕有織成布者

定熱河志 欽

木棉 考太平寰宇記幽州土產棉而徼外無聞焉今承德府境皆有之民但以作絮不事織紵近倣拔茶植桑之意課民紡績於府城賃男舍一置織工二人女舍一置女師二人鄉落男婦願來學者區其族以居之貧能織無力置紡具者官給其具設三長一人收買紗布以美其值又每一村置一機式每十戶置一紡式使之迭相規仿轉輾效工自是鴉軋機聲徧於關外難脂夜作各有恒業杼

柚之空吾知免矣

知府海忠勸
民紡績說

布帛類

構權繭 產建昌縣每年內地民攜蠶種出塞養之收絲織綢其養蠶時以構權葉爲餉故名其養蠶之法與內地不同曰收種春蠶用秋種貯以簞箔勿受風燥曰溫種冬至後以鍼線穿蠶種至暖室就溫勿傷蛹子曰拾蛾清明蛾出必以申酉戌三時分雌雄各置一筐曰摘對配蛾次日以指捻雌蛾腹謂之把蛾以紙罨筐貯其內置涼室中邊地

春寒恐葉未發而先出子也曰斫芽插墩穀雨後出子斫構權枝向陽嫩芽連枝葉三尺餘擇流水河邊無土沙灘不見水處掘寬二寸許深如之插芽勿使露水少提之令活曰坐墩日出後將蛾盆去蓋入墩中使與枝近日上障四五日蠶一眠起帶葉剪取移置障上曰守場山中長構權處爲蠶場恐蟻傷蠶置柵守護曰摘繭蠶出六十餘日成繭著葉處謂之蒂去之恐傷繭絲包者各絡繭外謂之衫留以織始有紋曰收繭擇春蠶爲秋種置

涼室曰選場蛾場宜窪下樹宜低小取其葉嫩蠶
場宜向陽塞外早寒非日暄不能成繭也尤忌高
山山高則多霧霧則蠶病多風風厲每不成繭曰
打鋪秋蠶出時天漸寒蠶上枝時縛置草鋪使其
隨而復上曰抽繭繭成以手撚線織爲網名山網

宋曾公亮武經總要今承德府境紅石巒外皆有蠶場所出

網稍遜建昌而粗厚過之

綿綢 府境多有之其細而白者不減吳中土人名

爲土綢 已上初纂

承德府志

卷二十九

物產

三十六

皮茵褥 以馬皮爲之其毛色淺深相間文茵方褥

俱燦然可觀熱河市口多鬻之 定熱河志 欽

案塞北服用之屬見於前史者後漢書烏桓傳謂婦人能刺章作文繡織氍毹北史契丹傳以青瑊爲上服元一統志大寧路龍山縣利州興中州建州皆土產絲綢和衆龍山二縣利州惠州皆土產布至宋曾公亮武經總要謂幣帛多書白川州稅戶所輸金史載北京歲貢緞疋諸產並在今承德府州縣境以非近日特著之產故不專列

飲食類

茶 納石韃鞮茶名元楊允孚灤京雜詠詩穆房納

石茶添火有女拏裳拾糞歸是也又廣羣芳譜蒙

古以落葉松皮代茶今茗芽俱自關東來與內地

不殊但地寒不諳種茶耳

元黃潛詩芳苗簇簇偏山阿玉蕾珠芽未足多

千載茶經有遺恨吳儂原不過灤河春風北苑鬪時新萬里函封效貢珍羨爾託根天尺五不勞飛

騎走紅塵自注灤陽邢君以芍藥代茗飲名曰瓊芽先朝曾以進御云

酒 塞外每以豆釀酒謂之豆酒

定熱河志 欽

今六穀

皆能釀酒而以蜀黍者為上北宋周煒北轅錄所

謂燕山金澗者此則較內地尤為醇厚蓋亦以水

勝也蒙古則以牛酪造酒漢人呼為孛子酒有四

種上者名希爾黏次者名卜爾達爾黏再次者名

承德府志

卷二十九

物產

三十七

庫爾黏下者名阿爾黏即元楊允孚詩所謂皮囊

乳酒是也又有以馬漣為之名捫酒尤佳元薩天

錫詩番奴醉起傾渾脫馬漣香酣奈樂何楊允孚

詩內宴重開馬漣澆許有壬詩所謂馬酒者皆是

考元人詩中多用葡萄酒薩天錫灤陽納鉢即事

詩云紫駝峯挂葡萄酒周伯琦上京學宮紀事詩

云金甕葡萄大白浮楊允孚灤京百詠詩葡萄萬

斛壓香醪今口外並無此名大抵俱取唐人葡萄

美酒句以為塞外詩料耳

初纂

鹽

戎鹽累卵

博物志

泡子河生天然鹽不待煎熬而

成蒙古用小車載以貿易

國朝查慎行山莊詩註云泡子河淤瀉鹵

開霜華彌望白皚皚邊民聽食天然利祇禁鹽車入口來

今塞外食鹽皆蒙古

所產

定熱河志 欽

蜜 塞外崖蜜勝於內地以其多採山中參花而成

故為蜜中上品元史興州有採蜜提舉司元一統

志大寧路龍山縣惠州皆載土產蜜及蠟

初纂

乳酥餅

大定府產乳酥餅

金史地理志

大寧路武平縣

川州土產酥乳酪

元一統志

蒙古取馬湏與牛羊酪並

承德府志

卷二十九

物產

三十八

資飲食而酥餅尤可行遠蓋塞外所製尤勝內地

也

欽定熱河志 元楊允孚灤京百詠詩不須白粲備農炊乳酪羊酥塞北奇泥土炕牀

銀甕酒佳人椎髻語侏離 國朝查慎行閱視家

牧恭紀詩邊戶羣歌樂歲襪素封何必業耕桑家

家賜種滋蕃息銀餅渾如秬麥香自注唐撫言宣

宗賜韋燠孫宏反餅餡皆乳酪膏之所為即今乳

器用類

鹿角器 每歲

行圍獲鹿甚多截其角材中諸器

定熱河志 欽

高宗御製詠鹿角筆架詩

茸長八义老蛻然去不留無從別麋塵又幾閱春秋形
欲成芝朶堅將變石頭雅宜供筆架毛穎本同遊

高宗御製命製鹿角椅並題以句

獵獲八义角良工製椅能由來無棄物可以備時乘詎

是仙都遺去聲從思

家法成

盛京貯有 太宗時鹿角椅山莊有 聖祖時鹿角椅今命製此亦肯構之意也

夔夔

戒倚側棣棣慎居興休剗形猶曲豐尖柔足徵底須七

寶飾樸素審堪稱

承德府志

卷二十九

物產

三十九

樺椌木器 以樺椌及雜樹根爲之製作工巧全以

雜色叅錯爲文如縟繡然自几案至盤匝無所不

有熱河市中多鬻之

欽定熱河志

聖祖御製椌木杯器詩

素輕珠玉器專製及時杯錯節分花影盤根別利才茂

林成木瘦深斧染莓苔澹泊明吾志天然見體裁

案塞外器用之屬見於前史者後漢書烏桓傳謂
男子能作弓矢鞍勒鍔金鐵爲兵器金史地理志
載大定府產螺杯茱萸梳玳瑁鞍元一統志利州
有細瓷窑一所在州西南棠葉務有麤瓷窑一所
在州東南感化莊興中州有白瓷窑一所在州北
二十里笠子塢松州西二十里有瓷窑西北有甄

經窰又興中州建州土產紙今惟弓矢鞍
勒士人造作為良諸窰俱廢故不復專列

金石類

魚兒石 產朝陽縣西北山中石不甚堅層層可剝

各有魚形隨剝隨異無相同者纖悉如畫土人名

曰魚兒石

定熱河志 欽

今建昌縣亦產此石

初纂

聖祖御製康熙幾暇格物編

喀爾沁地方有青白色石開發一片輒有魚形如塗雌
黃或三或四鱗首尾形體俱備各長數寸與今所謂
馬口魚者無異揚鰓振鬣猶作鼓浪游泳狀朕命工琢

承德府志

卷二十九

物產

四十

磨以裝硯匣配以松花江石誠几案間一雅玩也嘗讀
水經注及酉陽雜俎言衡陽有石魚山石具魚體宛若
刻畫又池北偶談述汧陽縣有石魚溝取石破之兩兩
成魚可以辟蠹故宋人石魚詩曰相傳此石能辟蠹功
在琅函並玉儲然未有如斯之纖悉克肖者也其與石
俱生耶抑魚之化如零陵之燕海南之蟹耶物理之不
可全窮又如此

高宗御製魚石屏歌

有序

向見酉陽雜俎載衡陽湘陽縣有石魚山山石色

黑理若生雌黃開發一重輒有魚形鱗鱗首尾若
畫長數寸燒之作魚腥又重慶江心有雙魚刻石
上每一魚三十六鱗見則歲豐云云夫石上刻魚
世或恒見至開石自具魚形則非人力所能爲疑
爲烏有誕論而已今過土默特部落路南有所謂
撒哈河灘者土人種田掘地得石剖之有魚形復
剖之則復見大寸許小數分許銜尾比目若游泳
然乃知古人所載必有其徵誕在此實卽在此製
以爲屏不異王振鵬魚藻圖也

造物有無宗元疑石中魚形誰所爲雕琢不到繪難揮
又非其中置鯤鮪擘開紋理紛鏤奇髻甲刻畫險喁姿
永免麗罟及黏徽漫應漑釜膾銀絲琴高仙駕或其遺
不然善眩如條枝殖瓜種樹幻術施冠冕秋化石不移
元王沉璧洛水涯化玉未聞仍孕其湘鄉奇蹤向謂虛
叶事必有偶今始知詭談詫蹟序若斯折中理氣繫子
思是地昔必潦水滋水退魚存僵淤泥歲久土變石理
宜試看易剖片片披宛然藻潛還浪吹寓形得所壽可
期磨而不磷涅不緇製屏堪陳筍席垂兆維豐年念在

茲

鉛 平泉州境內之雅圖溝楊樹溝波羅樹等處產

之康熙五十一年許內地民人及蒙古開採令每

歲納鉛入錢局以為課雍正元年悉令封閉

欽

定熱河志

炭 深谷中多以燒炭為業

宋王曾上契丹事

大寧路和衆

縣土產木炭

元一統志

塞外多樹故為炭較易今所產

視內地特佳

定熱河志 欽

鹽 元戴侗六書故謂鹽為鹵之凝著者今建昌縣

承德府志

卷二十九

物產

四十二

之南即明史大寧衛東南之大鹽場地

定熱河志 欽

潔而且潤染局麵肆多用之活多諾爾巴顏諾爾

所產比他處為尤佳

口北志

案遼史地理志載澤州採鍊陷河銀冶宋王曾行程錄稱柳河館旁西北有鐵冶又元史食貨志載

大寧產金山產銀產銅又產硃砂水銀又載金在遼

陽者龍山縣湖碧峪每歲納課金三兩銀在遼陽

者惠州銀洞三十六立提舉司辦銀課又元一統

志興中州利州惠州皆有鐵冶皆辦官課龍山縣

興中州皆有瑪瑙場每歲貢又明一統志載三衛

產瑪瑙諸產並在承德府屬今各場冶久經封閉

其鉛礦暫行開採亦即停止附識於此

承德府志卷二十九